

आकाशवाणी

खबरां ---

1. नीट मुद्दे पर छात्रों दे बरोध-प्रदर्शन दरान कथित पुलस कार्रवाई सने केई मुद्दे पर विपक्ष दे हंगामे दे बाद लोकसभा दिन भरै लेई स्थगित करी दिती गई।
2. संसद नै राश्ट्री सहकारी विकास निगम (संशोधन) विधेयक-2026 पारित कीता, राज्यसभा नै अज्ज इसी मंजूरी दिती।
3. प्रधानमंत्री नरेंद्र मोदी होरें युवाएं गी आत्मकथाएं गी पढ़ने दा आग्रह कीता ते रील्स ते सोशल मीडिया दे शार्टकट संस्कृति खलाफ चेताया बी।
4. हर घर तिरंगा अभियान गी गति थहोआ'रदी ऐ।
5. भारती बरखा करी मुम्बई दे घाटकोपर इलाके च ल्हास-पस्सियां पौने करी 6 लोकें दी मौत, 4 जख्मी।
6. शतरंज च भारती ग्रैंडमास्टर प्रगनानंद होरें संयुक्त राज्य अमरीका च सिंकफील्ड कप दे दुए दौर दे मैच च उज्बेकिस्तान दे जावोरिवर सिंदारोव गी हराया।

<><><><><><>

LS-Adjourned

नीट परीक्षा गी लेइयै छात्रों दे बरोध-प्रदर्शन दरान कथित पुस कार्रवाई सने केई मुद्दे पर विपक्ष दे हंगामे दे बाद लोकसभा गी दिन भरै लेई स्थगित करी दिता गेआ। दपैहरी 3 बजे जिसलै लोकसभा दी कार्यवाही शुरू होई ते पीठासीन अधिकारी जगदंबिका पाल होरें

विपक्ष दे हंगामे दे चलदे खान ते खनिज विकास ते विनियमन संशोधन विधेयक-2026 पर बचार-विमर्श ते पारित करने दा प्रस्ताव रक्खेआ। विधेयक विजन कुसै चर्चा दे पारित होई गेआ।एहदे बाद अध्यक्ष होरें विपक्षी सदस्यें गी सदन गी सुचारू रूपे कन्ने चलन देने दा आग्रह कीता। संसदीय कार्य मंत्री किरन रिजिजू होरें आखेआ जे केंद्री गृह मंत्री अमित शाह होरें अध्यक्ष ओम बिरला होरें गी पत्र लिखियै आखेआ जे सरकार नीट परीक्षा गी लेइयै छात्रे दे बरोध-प्रदर्शन पर चर्चा लेई तैयार ऐ ते सदन इस पर चर्चा करी सकदी ऐ। श्री रिरिजिजू होरें कांग्रेस ते समाजवादी पार्टी सने बरोध करारदे सदस्यें गी इक बारी परतियै सीटें पर वापस परतौने लेई ते सदन गी इस मामले पर चर्चा शुरू करने देने दा अनुरोध कीता कीजे सरकार इस लेई तैयार ऐ। उनें आखेआ जे विपक्ष पैहले दिन थमां गै गृह मंत्री हुंदे बयान दी मंग करारदे हा, मगरा जिसलै सरकार तैयार ऐ ते विपक्ष इस कौलां बचार दा ऐ।

<><><><><><><>

RS-Cooperative

संसद नै राश्ट्री सहकारी विकास निगम (संशोधन) विधेयक 2026 पारित करी दिता ऐ ते राज्यसभा नै अज्ज इसी मंजूरी देई दिती। लोकसभा पैहले गै इस विधेयक गी पारित करी चुके दा ऐ। सहकारिता राज्यमंत्री मुरलीधर मोहोल होरें इस विधेयक गी पेश कीता हा जिसदा मकसद राश्ट्री सहकारी विकास निगम अधिनियम 1962 च ते संशोधन करना ऐ। एह विधेयक निगम गी औद्योगिक वस्तुएं दे क्षेत्र च अपनी गतिविधियां संचालित करने दी अनुमति दिंदा ऐ।

<><><><><><><>

प्रधानमंत्री नरेंद्र मोदी होरें युवाएं थमां आग्रह कीता ऐ जे ओह अपने प्रिय व्यक्ति दी आत्मकथा पढ़ने ते रील्स ते सोशल मीडिया इंफ्लूयेंस दे इस युग च जीवन च शार्टकट अपनाने कोला बचन। उनें विकसित भारत दे मिशन गी अगगे बढाने लेई समर्पित युवाएं दी निरंतर जरूरत पर बी बल दिता। मोदी होरें नेही पीढ़ी दा आह्वान कीता जे बाधाएं थमां विचलित नेई होन ते राश्ट्री आत्मनिर्भरता दी राह बनाने दा साहस बनाए रखन। प्रधानमंत्री होरें एह गल्ल नमीं दिल्ली च साबका राश्ट्रपति रामनाथ कोविंद हुंदी आत्मकथा भारती गणराज्य दी विजय, मेरा जीवन, मेरा संघर्ष, दा विमोचन करदे होई आक्खी।

<><><><><><><><>

VP-Vande Matram

उपराश्ट्रपति सी.पी राधाकृष्णन होरें आखेआ जे वंदे मातरम दी भावना नै भारत दे स्वतंत्रता संग्राम गी प्रेरित कीता ते अज्ज दी राश्ट्र दी पंछान गी मजबूत करा'रदा ऐ। संस्कृति मंत्रालय आसेआ आयोजित हर घर तिरंगा बाइक रैली च शामिल हुंदे होए श्री राधाकृष्णन होरें हर घर तिरंगा अभियान गी इक जन आंदोलन दे रूप च रेखांकित कीता जेड़ा नागरिकें गी सक्रिय रूपे कन्नै शामिल होने ते एकता ते सेवा दी भावना गी मजबूत करने लेई प्रोत्साहित करदा ऐ। उनें लोकें गी इस अभियान च सक्रिय रूप कन्नै शामिल होने ते इसी बढावा देने दा आग्रह कीता।

<><><><><><><><>

Goyal Vyapar Mahotsav

केंद्री वाणिज्य ते उद्योग मंत्री पीयूष गोयल होरें अज्ज आखेआ जे भारती बपार महोत्सव दा मकसद अंतरिक्ष प्रौद्योगिकी ते रक्षा सने बक्ख-बक्ख क्षेत्रें च भारत दी बदी क्षमता गी प्रदर्शित करना ऐ तां जे आत्मनिर्भर भारत दी दिशा च देश दी प्रगति गी गति थोई सकै। मंत्री होरें नमीं दिल्ली च भारती बपारी महोत्सव 2026 दे उद्घाटन समारोह गी संबोधित करदे होई एह गल्ल आक्खी। गोयल होरें इस गल्ला पर जोर दिता जे आत्मनिर्भरता ते राश्ट्री विकास कन्नै गै चलदे न ते आखेआ जे भारती दी 4 ट्रिलियन डालर दी अर्थ बवस्था 30 ट्रिलियन डालर दी अर्थ बवस्था बनने दी दिशा च तेजी कने अगगे बदा'रदी ऐ। ।

<><><><><><><>

Railway Over Bridge

भारती रेलवे नै पच्छमी रेलवे दे गैरतपुर-अहमदाबाद खंड पर 4 लेन आह्ले रोड ओवर ब्रिज दे निर्माण लेई 153 करोड़ रपे दी परियोजना गी मंजूरी देई दिती ऐ। रेल मंत्रालय नै दस्सेआ जे एह परियोजना पच्छमी रेलवे दे चला'रदे रोड ओवर ते अंडर ब्रिज, फुट ओवर ब्रिज, जल निकासी बवस्था च सुधार ते रोड ओवर ते इंडोर ब्रिज दे पुननिर्माण दे कम्में दे तैहत स्वीकृत कीती गई ऐ। मंत्रालय नै दस्सेआ जे रेलवे पुल दी कुल लम्माई 106 मीटर होग।

<><><><><><><>

Maharashtra-Landslide

मुम्बई दे घाटकोपर इलाके च भारी बरखा दे बाद इक प्हाड़ी दा किश हिस्सा गौसिय चाल पर आई पेआ जेदे कारण 6 लोकें दी मौत होई गई ते 4 होरनें दे जख्मी होने दी खबर ऐ। एह दर्दनाक हादसा अज्ज बड़लै मूंह न्हरे 3 बज्जियै 48 मिंटे पर पेश आया। हादसे च मरोने आहें च 3 बच्चे बी हैन ते घायलें दा अस्पतालें च इलाज चलै करदा ऐ। बी.एम.सी फायर ब्रिगेड ते एन.डी.आर.एफ दिएं टीमें खबर थोंदे गै घटना आह्नी थाहरै पुज्जियै राहत ते बचाव कार्रवाई शुरू करी दिती।

<><><><><><>

BRICS-Meeting

भारत दी ब्रिक्स अध्यक्षता दे तैहत ध्रुवी विज्ञान ते समुंद्री प्रौद्योगिकी बरौ ब्रिक्स कार्य समूह दी 8मीं बैठक अज्ज दक्खनी गोवा च शुरू होई। बैठक दी मेजबानी धरत विज्ञान मंत्रालय दे संस्थान, नेशनल सेंटर फार पोलर एंड ओसियन रिसर्च आसेआ कीती जा'रदी ऐ। 3 दिनें धोड़ी चलने आह्नी इस बैठक दा मकसद समुंद्री अर्थ बवस्था गी बढ़ावा देना, जलवायु परिवर्तन दी चुनौती कन्नै निब्बड़ने, ध्रुवीय अनुसंधान गी अगड़े बधाना ते मिम्बर मुख्यें बशकार साथ सहयोग गी बधाना बी शामिल ऐ। भारत दे अलावा ब्रिक्स दे मिम्बर मुख्य ते किश विस्तारित मुख्यें दे माहिर, साइंसदान ते अधिकारी हिस्सा लै करदे न।

<><><><><><>

Sinquefield Cup

भारती ग्रेड मास्टर आर प्रज्ञान नंदा नै सेंट लुइस अमरीका च चलै करदे सिन्क्वेफील्ड कप-2026 दे दुए गेड़ दे मकाबले च उज्बेकिस्तान दे जोवोखिर सिंदारोव गी 95 चालें दे संघर्ष दे बाद हराई दिता। एह मकाबला क्वीन पान ओपनिंग कन्नै शुरू होआ ते लम्में चिरै धोड़ी बरोबरी पर रेहा। खेड़ दी 82मीं चाल पर जावोखिर सिंदा रोव दी इक गलत चाल दा फैयदा ठोआंदे होई सटीक चालां खेडियां ते 95मीं चाल च जितत दर्ज करी लैती।

<><><><><><>

Vaishnav Railway Ticket

रेल मंत्री अश्विनी वैश्वव होरें आखेआ जे आरक्षित टिकटें चा कोड 89 फीसद टिकट आनलाइन बुक कीती जारदी ऐ जिसले जे 2013-14 च एह आंकड़ा कोई 49 फीसद हा। श्री वैश्वव होरें अज्ज लोसभा च इक सुआल दे लिखित परते च एह जानकारी दिती। उनें दस्सेआ जे आरक्षित ते अनारक्षित टिकटें दी डिजिटल खरीद गी बढ़ावा देने दे मकसद कन्नै रेलवे नै रेलवन ऐप लांच कीता। इस ऐप दी मदद कन्नै यात्री मोबाइल फोन पर गै आरक्षित ते अनारक्षित टिकट बुक करी सकदे न।

<><><><><><>

Weather

ओडिशा तट दे कौल उत्तर पच्छमी बंगाल दी खाड़ी च इक नमां घट्ट दबाव क्षेत्र बनी गेआ ऐ जिसदे चलदे भारती मौसम विभाग नै ओडिशा च भारी बरखा दी संभावना जताई ऐ। मौसम विभाग नै राज्य, गंगा दे मैदानी पच्छमी बंगाल, मध्य महाराष्ट्र ते

ओडिशा च अज्ज किश थाहरें पर भारी थमां मती भारी बरखा दी चेतावनी जारी कीती
ऐ।

<><><><><><><>